

Fida Nyamesemka: Ayewoho 27, 2014.
(Friday sermon –27th June 2014 – Fante Translation)

MAULVI ABDUL WAHAB ADAM- AHMADIYYANYI A ƆYE FASUSU.

Nde Fida nyamesemka a Hadhrat Khalifatul Masih maa no nyinara fa Maulawi Abdul Wahab Adam Sahib a woefi mu no ho.

Huzoor kaa de Anohoba Mesia (ANN) no nyaa nyikyere bi de: “Nyimpa a Yedze Hen yikyere bema hon akwankyerere efi Sor beboa wo” (Tadhkirah krataafa 850, 2009 edition). Ansaana ɔreda noho edzi mpo no, onyaa dem yikyere yi mpen pii. Wo afe 1907 no wodze yikyere for for bi bataa ho de “Wobefi mbeambea a no mu twe yie aba wo nkyen” (Tadhkirah krataafa 975, 2009 edition). Dem yikyere yin am nhyira soronko do ahye ma wo Anohoba Mesia (ANN) n’aber do dem wodze Khilafat nhyehyee no boboo adze a nna onam no do. Mpo nnye de dem nyimpa too ko Jama’at ho ara keke, mbom wodze hon nkwa bo afor wo osom yi ne yiedzi ntsi a wodze enyiber nye perperye ye edwuma na wobeye abofo soronko ma Anohoba Mesia (ANN) no na woye abofo so ma Khulafafo no so.

Dem nyimpa binom fi amanaman a wo ekyir yie ba de wɔrebosua gyedzi ho nsem na wodze kor hon aman do kekyerekyere hon amamfo. Wɔbaa 1960 mu nye 1970 mu wo ber a nna wonye hon ebusufo nkitahodzi gye mber beye abosom esia. Iyi nyinara ekyir no, wodze ɔpe na do soronko bae na wodze hon nkwa bo afor soom gyedzi na nna woye krado de wobobo afor biara ama Anohoba Mesia (ANN) no som no. Iyi dzi Anohoba Mesia (ANN) no ho dase na demara so na odzi Khilafat-e-Ahmadiyya ho dase. Dem nyimpa ye ahotseweefo wo hon su mu na Nyankopon N’adom dwir hon ma wɔhyiren kann de aworaba. Dem nokwardzinyi na etuhoakyefo yin ye onyimnyamfo Abdul Wahab Adam Sahib.

Ofii onam a wo ekyir yie mu baa Rabwa bohwehwɛ nyimdzii wo gyedzi ho na ɔbeyee bofo mapa maa Khilafat. Ɔbaa Rabwa wo nna wogu do rotow Rabwa ne fapem na nna nkitahodzi wo Ebibirman mu kyer yie. Odzii Khalifa a nna wo do dem ber no ne nsenkyeredze nyinara do na nhyehyee biara a Khalifa no yee no ɔdze obu soronko dzii do pɛpɛpe na nnye de odzii nhyehyee no do ara keke de ɔye kɛse anaa ketsekete mbom nna ɔdo pe de nkye obotum edzi Khalifa ne pe nyinara do. Huzoor nye no yee edwuma mfe awotwe wo Ghana na ohun de demara na ɔtse na ber a Huzoor beyee Khalifa no ohun de ɔtse demara.

Huzoor kaa de ada edzi de Wahab Adam eefi nansa yiara. Nna wo UK Aborokyrman mu mfe kor a etwa mu yi na osanee kor fie wo Kwakwa bosom yi a etwa mu yiara mu. Huzoor kaa de ne nyimpa su nye no nokwardzi no nnkotum edze nsem kakrabaabi akyere naaso Huzoor daa nsem ketsewaaba a ɔfa ne nyimpasu ho edzi.

Ahmadiyya som no nam Wahab Sahib n’awofo do baa n’ebusua mu na wɔwoo no too Ahmadiyya mu de Ahmadiyyany. Nna ɔye n’egya n’enyisoadzehu pɛpɛpe de ne ba banyin yi beye Ahmadiyya sofo, mbom ofii mu wo ber a nna Wahab Sahib ye abofra ketsewaa, na ne maame hwɛ de n’egya ne pe no behye ma na ɔdze no kor Rabwa a nna Basharat Rasheed Sahib ka no ho. Wɔwoo Wahab Sahib wo Adansi wo Ghana wo afe 1938 na onyaa mboframba skuul nyimdzii wo mpatamu hɔara. Wodze no kor Jamia Rabwa wo afe 1952 mu na afe 1960 mu no onyaa abɔdzin a wofre no Shaheed abasobɔdze. Osanee baa Ghana na ɔyee edwuma kopem afe 1969. Ɔbeyee skuul panyin wo Jamia wo Ghana. Wo dem aber no nna adan a wo ho no ye datse dan a nna eguaree mpo nnyi mu. Wodze ketse na wodze twa ntamu ama woetum eguar. Wo 1971 mu no woyee no Imam

n'abadziekyir wɔ Fazl Asɔrdan a ɔwɔ London mu. Wɔ 1975 mu no woyii no de Amir na Sɔfo panyin a ɔhwe Ghana Jama'at no do na okitsaa dem dzibew yi mfe eduosa akron.

Wɔdze Wahab Sahib kɔɔr Pakistan wɔ ber a nna ɔye abrantsewaa de ɔnnkenya ntsetsee wɔ Jamia Rabwa na nna Salah Sahib so ka no ho de mbre akyerekyerɛfo a wodzi mu mapa wɔ Ghana no bɔdɔɔso. Hɔn beenu no nyinara bɔɔ hɔnho mbɔden. Saleh Sahib yaree wɔ afe 1957 mu na ɔsanee baa fie a ofii mu yayaayaw wɔ 1958 wɔ ber a nna woenya mfe duakron. Mbom Wahab Sahib dze ɔkɔ do ara toaa n'adesua do na ɔsanee baa fie a Sɔfo. Iyi hyɛ mbrentse pii a wɔwɔ Ghana no nkuran de wɔbeyɛ Asɔfo na ekyir no wobuei Jamia wɔ Ghana a etu mpon abeyɛ Amansan Jamia na mbrentse a wofi Ebibir aman mu nyinara kɔ hɔ kenya Shaheed abasobɔdze.

Nna Wahab Sahib taa ka nkaa no nna enyinyam kandzea nnyi Rabwa na nsu a wɔnom mpo wɔkɔhwehwe wɔ nkurow fofor do. Nna hɔn skuul dan no wɔdze datse ekur ntsi se nsu tɔ a owin. Nna Wahab Sahib taa dze ye agordzi de mpo ɔtɔfabi a nsu no tum fa hɔn mbɔtɔ. Ɔkaa de, de osuanyi dze ohun adesua de ɔye ehiadze na ohu Urdu Mbra kyerekyerɛmu de ɔnnda famu koraa. Mber bi nna wɔrebeyɛ nsɔhwe ntsi ɔnye ne nyenko bi kɔɔr Maulana Rajiki hɔ de wɔrekɛsere mpaabɔ. Maulana Rajiki maa ne nsa do de ɔrobɔ mpaa na ɔkaa kyereɛ hɔn de hɔn so mbɔ mpaa no bi. Ɔbɔɔ mpaa no wiei no Maulana Rajiki kaa kyereɛ no de ber a ɔrobɔ mpaa no, ohun Anohoba Mesia (ANN) no wɔ yikyere mu de ɔdze ne nsa a ɔye nhyira no ato hɔn ebien no nyinara hɔn tsir do na iyi ɔkyereɛ mu de wobedzi nkunyim wɔ hɔn nsɔhwe no mu. Anwanwasem nye de Wahab Sahib na odzii kan wɔ ne nsafɔ no mu.

Wahab Sahib wɔhyɛ no enyimnyam bebiree a binom nye dza odzidzi do yi: Ɔno nye Ebibirman mu nyi a odzi kan a ɔbeyɛ Sɔfo panyin a ofi Ghana. Ɔno nye Ebibirman mu nyi a odzi kan a ɔbeyɛ Sɔfo panyin a ɔhwe Kuw yi do wɔ Ghana. Ɔno nye Ebibirman mu Ahmadiyyanyi a odzi kan a ɔbeyɛ Sɔfo panyin wɔ Rabwa (Amir Maqami Rabwa) a nna ɔye Khalifa a nna ɔtse do dem ber n'anamusinyi. Ɔno nye Ebibirman mu Sɔfo panyin a odzi kan a Adom domm no ma ɔsomee wɔ Aborɔkyirman mu. Adom domm no ma okyinn aman ahorow pii do a nna ogyina hɔ ma Kuw yi ne tsir. Dem aman yi binom nye Canada, Germany, Benin, Mali, Ivory Coast, Nigeria, Burkina Faso, Liberia, Sierra Leone na Jamaica.

Ɔtoow fapem bi wɔ ne maame ne dzin mu a ɔdze boa ehiafo. Ber a nna ɔye Amir no Ghana Jama'at no tuu mpon ara yie. Skuul bɔbor ahanan na ɔwɔ Ghana a ɔhyɛ Ahmadiyya Kuw ne nsa na asopitsi akese ahorow esuon nye **homeopathy** ayarsabea ebien. Wahab Sahib yɛ nhyehyɛ ma osii nsenkyeredze adan (biilboard) akese ebien a Anohoba Mesia (ANN) no mfonyin femfam do wɔ Ghana akwantsepon akese ebien bi do a nsem a ɔwɔ do ara nye de Mesia no a wɔwɔ no atweene mu no aba!

Wahab Sahib nyaa wiadze abasobɔdze ahorow so pii. Wɔ Nsɔrnsɔr nye Amanaman nkitahodzi ma Wiadze Asomdwee ho wɔ Korea no, USA bɔɔ n'abaw do de Ananmusinyi ma asomdwee a nna ɔnam ɔko dzen a ɔkoe maa asomdwee ntsi. Ghana Aban maa no abasobɔdze soronko de ɔkadofɔ a odzi nhyehyɛ wɔ wiadze yi mu do a nna wɔdze ye no ndaasefo wɔ n'edwumadzen a ɔyɛ wɔ homasua, apɔwmudzen, ekwadwuma, ɔman asomdwee nsem ho. Wɔ afe 2007 mu no, Cape Coast Suapon no maa no PhD abasobɔdze.

Gyinabew binom so a wɔdze hyɛ Wahab Sahib ne nsa nye: Nna kuwba wɔ Asoɔe a ɔhwe kabi ma menka bi mpontu (Centre for Democratic Development) wɔ Ghana ho. Nna ɔye guamutsenanyi abadziekyir wɔ nokwardzi nhyehyɛ ho (Ghana Integrity Initiative) wɔ Ghana. Nna ɔye kɔfabae na guamutsenanyi ma Nsɔrnsɔr Nkabɔmu kuw (Council for Religions) na nna ɔye kuwba wɔ Asoɔe a ɔhwe ɔman nsiesie ho nsem do (National Reconciliation Commission).

Ber a ndzɛmba mu yɛ dzen maa Jama'at yi wɔ Pakistan no wɔ afe 1974 mu no, Wahab Sahib nye Imam a nna ɔwɔ Fazl Asɔrdan mu no yɛ edwuma anadwe na anapa na ɔdze nsem a ɔrokɔ do no maansenkyerewfo nye dawurbɔ ndwuma nyinara. Wɔyɛ no ɔsamufo n'abadziekyir ma dawurbɔ krataa a wɔfrɛ no Muslim Herald wɔ afe 1973 mu na ɔdaa kyefa ebien bi edzi a ɔtoo no dzin London Dairy na nsembisa nye ne nyiano (Questions and Answers).

Ghana Omanpanyin n'abadziekyir Amissah Arthur maa awerekyekyernsem soronko na okaa de nna oye oman no kandzinyi nwanwansa na hon were nnkefir no ara da. Omanpanyin dadaw John Agyekum Kuffour kaa de nna oye nyamesomnyi soronko na oman kandzinyi. Dr. Mustapha Ahmad a oye Mbrahye baguanyi na omansuafo so kaa de Ghana ahwer obabanyin a osombo yie na okaa de wobokodo akae no da apem. Sfo panyin (Archbishop) wo Accra kaa de nna okitsa adasamba hon yiedzi mu yie. Methodist Asor ne Sfo panyin kaa de barimba asomdweenyi ko ne Nyankopon nkyen. Muslim Commssion guamutsenanyi n'abadziekyir kaa de Ghana ahwer n'afasin kese no mu kor.

Wahab Sahib ne ba banyin aka de na ne papa dzi nokwar mapa ma Khilafat na asem ketseketse biara ho no okyerew dze Koma Khalifa. Dapen ansaana oritwa mu no datser no tuu nofo de wo de wogye no to ayarsabea ho na okaa de gyede osere kwan fir Huzoor ho ansaana woetum ada ayarsabea ho. Wo afe 1990 mu no ne ba kor kor abrokyirman mu na odzii yaw de okyer ansaana wotse fie fo hon nka, Wahab Sahib kaa mber a na wo Rabwa ho asem kyere no de na odzi abosom nsia ansaana ne maame ne nsa aka ne krataa. Oye obi a na obo noho mbodzen ara yie na mber na oto da a ohye n'edwuma ase wo ber a woye Fajr asor ewie na onnkogyaa gyede asor mber aso anaa okom dze no. Da nyinara okyere ne krataa koma Huzoor wo Urdu kasa mu na odze nara ne nsa kyere. Oye obi a noho ye enyigye, ber a nkorofa a wo wo ne nkyen nyim de n'apowmu ahodzen nodo retsew no dabiara na oka noho ye kyen nkaa no. Na binom hon adwen ye hon de anaa Wahib Sahib nnyim yarba no, pancreas kokram (pancreatic cancer), ne tsebea anaa, naaso ma otse biara no na onyim na mbom na odze noho ama Nyankopon de obema no nkwa anaa wahyehye biribi fofor ama no. Mber a okor Germany kohwehwe n'apowmu no onwenwee na oka de mowo Nyankopon na Khalifa a mekyerew krataa koma no dze sere mpaabo, ntsi se na wahyehye ama no de obowu a, na n'enyi gye ho.

Na Wahab Sahib ye ayemyie ma n'ahohow na nara ankasa ma hon nsu na anomdze wo ber a woba abesere no no. Na wo tsema mapa. Mber bi obasa kunafo bi baa ne nkyen bohwehwe mboa de mbre odze bobo ne bra na Wahab Sahib nnyim no dze naaso oboa no ma ohye edwuma ase. Na wo do ma mbofra na okye hon chocolate na balloon. Huzoor kaa de na nkorofa bi wo adwen a onnye nokwar fa noho, naaso Wahab Sahib kaa de onora dze noho ko nsowe mu dze boa nkorofa. Na oye nokwarfo na wo map adze ma Khilafat na ohwehwe afotu wo asem biara mu na otuu nkorofa fo de hon so nye dem ara.

Wahab Sahib ye obi nkorofa pii hwee noho bo hon bra. Amir Sahib a ofir Mali se okaa mber a odzii wo Burkina Fasoman mu na Wahab Sahib tse detse dan mu wo ho no. Burkina Faso Jama'at no bobo adze wo afe 1986 onam ne mbodzenbo ntsi. Mber a Burkina fo a wotse dadze ponko do reba Khilafat mfe oha ehiedzi no Wahab Sahib twa kwansin beyee oha ebien anaa ebiasa kohyiaa hon ber a wodur Tamale no.

Mber wobisaa asem faa Hajj ho no Wahab Sahib kaa de woye Hajj no dadaw. Okyere mu de wo Khalifatul Masih a otsia ebiasa n'aber do nooyee adwen de oboko Hajj naaso onam etiafo hon dwumadze ntsi wamma no visa. Mber a okaa dem asem yi kyere Huzoor no, Huzoor yee dzeen na okaa kyere node Nyankopon Eyi akyer no wo yikyere a Wahab Sahib rotwa Ka'ba noho na nyimpa mpem esuon dzii n'ekyir a woye Hajj!

Pintsinn gyina ye Wahab Sahib ne bra su kese. Wokum n'asew banyin wo USA ber a apowbofo kum no. Na da a otse dem yi ye da a Jamia Ghana reye hon afenhyia dwumadze, Wahab Sahib tsee dem asem yaw a ofa ne ba baa na ne mba ebiasa ho naaso okorr Jamia dwumadzi no kodzii donhwer ebiasa dze rok anan na ekyir no ansaana oreka asem yaw a otse dem yi de ne ba baa no aye kunafo.

Russia nyenko bi se okorr Ghana Jalsa wo afe 2008 mu. Wahab Sahib too nsa fre no ma obaa ne fie na ogyee no wo kwan papa do ara ma hohow no ne wirefir akwantu nomu bre no nyinara. Ose n'enyiwa gye kwan a Wahab Sahib bisaa hon manpanyin onye nyimpa bi a obaa ehiedzi no bi hon ase wo kwan kor mu. Mber fofor bi so odze nara n'asor kete ma ohoho no onam de na onnhu kor nnka ho na adze kyee no odze asor kete ebien bre no de oye akyedze.

Majid Sahib se na Wahab Sahib dzii nokwar mapa maa Khilafat. Afe a woetwa mu kor noobaa ofis ewiaber wo ber a na obiara ridzi ewiaber edziban na wofre node ombedzidzi. Danye na okaa de wo de ofre Ghanaman mu na odze Khalifa a otse egua mu ne nhyehyee ma hon na ekyir no obedzidzi. Na oye ahobrase ara ma se Majid Sahib wura ofis biara a osor na oka de oye dem onam bu a odze ma nkorofu a wodzi nodo tum. Mber bi, ber a woridzi ewiaber edziban no Majid Sahib nyaa atsenka de nkyen no doso wo n'edziban no mu, Wahab Sahib dze nara ankasa n'edziban maa no onam de na nkyen nnyi ne dze no mu.

Na Wahab Sahib tsetse nkorofu wo kwan a wosi fa do kyerew krataa koma Khalifa a otse egua mu na otuu hon fo de mma wommfa nsu a wodze pepa mfum mmpepa hon mfum wo krataa nodo osiande onkyere bu de edze krataa a otse dem boko akoma Khalifa a otse egua mu na mbom obeye de ebokyerew no fofor. Wahab Sahib enntu ne dwumadze biara annhye da na dzebiara a ohyee ase no owie na otuu nkorofu fo de wonye dem ara. Mber bi otuu kwan kwansin beyee cha ebien anaa ebiasa wo kwan a na onnye na hontuma aye do ma de oreko Jama'at dwumadzi, mber a odur ho no wokaa kyere no de woetu ahye da na wodze noho krataa afa enyinam do na mbom enndur, Wahab Sahib annkyere biribiara de onnye hon nnye adwen.

Nkorofu a wodze hon nkwa abo afar pii akyerew de wo ahyease no na mirkyi (milk) ho ye na, ntsempa no ara Wahab Sahib yeho nhyehyee ma wodze bi bre hon. Mber bi ohyiaa obi wo Rabwah na woda nyimpa no edzi kyere no, mber nyimpa no kyere nyia a oye ne ba no Wahab Sahib sree na oye no atuu bio mu na okaa de oye ne kyerekyerenyi ne ba! Khalid Sahib a wo Russia pon do akyerew de mber a ofir Russia na ohyia Wahab Sahib no okaa de: Eye nyimpa a wotsir ye. Na okyere mu de Anohoba Mesia (ANN) aka no dadaw de Jama'at betserew wo Russiaman mu na Khalid Sahib ne tsir ye de oka dem dwumadzi yi ho. mber bi wohun Wahab Sahib ne mfonyin wo Ghana dawurbo krataafa a odzikan mu na wokyerew mu de wama no gynabew a otse dem onam ne mbodzenbo a oboe wo asomdwee ho wo abatow ber no mu. Shamshad Sahib a oye Osoko wo USA akyerew de mber a oye n'asoko dwumadzi wo Ghana no woyii no fir Ghana dze no kor Sierra Leone. Amir Sahib no kor Wahab Sahib ho kosere no de mma wonsesa Shamshad Sahib na Wahab Sahib tuu no fo fa ndwuma a ofa no Jama'at nhyehyee ho na okaa de nyiaa a wo sor nye hen Khalifa a otse egua mu a nepe nye de Jama'at no ntu mpon wo wiadze no afanandze nyinara na ampara de Khalifa a otse egua mu no na onyim bea wohia Shamshad Sahib ntsi woeyi no ako ho.

Mubarak Saddiqui Sahib ka asem serew bi de mber bi Wahab Sahib tuu kwan wo taksi (taxi) mu na onyim Mubarak Sahib a na onye no ridzi agor na obisaa no de ebenadze ntsi na ope de oko Ahmadiyyafo hon asordan mu! Na Wahab Sahib nnyim na ohyease de oreka Nyamesem wo ber a Mubarik Sahib kor do de onye no ridzi agor. Mber a wodur bea a wreko no osuo ne nsa mu na okaa kyere no de ondzi n'ekyir na onkohwe asordan no. Dem mber yi na Mubarak Sahib kyerekyere biribiara mu kyere no na okaa kyere no de oye Ahmadiyyanyi na oye obi a ope Wahab Sahib n'asem yie. Wahab Sahib serew na okaa kyere node se woannkyerekyere no mu a nka onye no boko asordan no mu!

Ata ul Mujeeb Rasheed Sahib akyerew de mber bi Hazrat Khalifatul Masih a otodo ebiasa kor Islamabad na oyii Wahab Sahib de onye Amir Muqami na oyii Maulana Abul Atta de n'abedziekyir. Oye iyi onam siantsir bi ntsi. Na oye nkorofu nwanwa de Ghananyi a otse dem yi woannye no Amir wo Ghanaman mu na na Khalifa a otse egua mu pede wuhu de onye de obotum aye Amir wo Ghana nko, mbom woaye no Amir Muqami wo Rabwah! Oye nokwar a osipi de Wahab Sahib etsintsim Khilafat ho bu wo Ghana Ahmadiyyafo hon akoma mu.

Wo ber a Wahab Sahib wo UK ndansa yi ara no, Ghana Jama'at ye adwen de wonnkoye Jalsa osiande hon nhyehyee nndzi mu. Huzoor n'enyi anngye iyi ho na okaa kyere Wahab Sahib de onam de wo ha no ntsi Ghanafo renya adwen bi a onnsi pi! Wahab Sahib ne wire howee na ofre Ghana na onye hon kasa wo ahobrase kasa mu, na otuu hon fo! Bilal Sahib akyerew de dem mber no pe na ohun de Wahab Sahib n'enyi aber na oridzi awerehow. Iyi nyinara na onam odo a wo dze ma Khilafat ntsi. Mber a obaa Ghana no oma Ghana Amlafo no nyinara kyerewee akywepa krataa dze

kɔma Huzoor na wɔyɛ Jalsa no ma ɔyɛ nkonyimdzi kyen dzaa wɔayɛ no nyinara. Ampa ara dɛ, iyi nyinara fir obu a ɔwɔ dze ma Khilafat ntsi.

Mber bi na Wahab Sahib wɔ n'ahomgyee ber mu naaso Hazrat Khalifatul Masih a ɔtɔdo ebiasa kaa kyere no dɛ onnyi ahomgyee biara na ɔnye no kɔrr ekurase dɛ ɔnkɔyɛ edwuma. Wahab Sahib se suahun a onya fir iyi mu no ma ohun nyansa a ɔtaa Khalifa a ɔtse egua mu ne nsusue ekyir.

Mber a ɔwɔ UK no ne tv sɛe da a na ɔwɔ dɛ ɔhwɛ dawurbɔ a noho wɔ mfaso fir Ghana a na ɔwɔ dɛ ɔdze noho nsunsuando kɔma Huzoor. ɔkaa kyere Salim Haq Sahib dɛ ɔnye no yie ma no, Salim Sahib kaa kyere no dɛ onnkotum ayɛ na mbom ne mba no botum ayɛ. Ne mba no siesie tv no na Wahab Sahib n'enyi gye, ɔmaa mbɔfra no kyokolet na ɔkaa dɛ iyi nom nye Mesia no n'asordaafo na Jama'at botu mpon ɔnam hɔn ntsi.

Huzoor kaa dɛ ɔno so tsenda Ghana na ɔtsena Wahab Sahib ne fie, odzii nsem nketsenketse ho dwuma tsende Pakistan edziban a wɔdze ma ahɔhow, na ɔnye Huzoor pɛ na mbom Pakistan ahɔhow no nyinara. Ne su kor a Huzoor hui nye dɛ ɔyɛ Nawafil na Tahajud asɔr. Dakor otuu kwan tsentsen na okodur Tamale anadwo esuom. Odzidzii anadwo beyɛe dubiako apamu na ɔkɔr kɔdaa anadwo fa. Huzoor se ɔsɔree beyɛe dɔn kor mpamu na ohun dɛ Wahab Sahib gyina asɔrdan no ne mfinfin reye Nawafil wɔ ahobrase mu, na ɔkyere dɛ ɔdaa beyɛe dɔnhwer na fa anaa biribi tse dem.

Huzoor kaa dɛ dakor Sɔfo a ɔwɔ Tamale kasa wɔ kwan a ɔnnkyere bu mu kyere Wahab Sahib wɔ nkorɔfo a wɔnnye Ahmadiyyafo hɔn enyim. Wahab Sahib annye yekyere biara ka dɛ ɔkaa kyere no wɔ Urdu kasa mu dɛ annkye obotum ayɛ ahwɔyie wɔ nkorɔfo a wɔnnye Ahmadiyyafo yi hɔn enyim. Huzoor ne bu fuwee ɔsɔfo no na ɔkaa kyere no naaso Wahab Sahib dze na ɔredwen Jama'at n'enyimnyam ho. Dem Sɔfo no kɔrr Rabwah na woyii no fir nkwa afarbɔ no mu naaso Huzoor se ɔnye no nwanwa mbre osi a Wahab Sahib sii nya abotar no.

Na Wahab Sahib nnyi wiadze ho enyiber biara. Ahyɛase no Jama'at dze asaase ma edwumayefo wɔ bo a wɔatsew do koraa. Mfe da Wahab Sahib kyereww kɔmaa Huzoor na ɔkaa dɛ ɔpede ɔdze n'asaase tam dze ma Jama'at, bɛka no dɛ ɔnam hwe a Jama'at rehwe no ntsi a. Na egyapadze no som bo Rupee mpem aha ebien eduonum.

Wahab Sahib nyaa enyimnyam hyɛ fir Ghana aban hɔ wɔ n'enyi ntotoe ho. Wɔyɛe ne funksie som wɔ Oman ne fie. Oman panyin, Oman panyin abedziekyir, aman asofo kyereɛ hɔn adwen wɔ hɔ na woma Wahab Sahib bu a odzi mu. Asɔr asɔr mpanyimfo so hyɛe no enyimnyam wɔ hɔn kasaa mu. Hɛn Jamia kyerekyerefo panyin kasa fa Islam nkyerekyere a ɔfa nkwa na owu ho na wosie Wahab Sahib wɔ Moosian esiei a ɔwɔ Ghana wɔ enyimnyam boroboro mu. Ghana tv twa dwumadzi no ma obiara hweɛ bi.

Wahab Sahib gyaa ekyir ne, mba banyin anan na mbaa ebiasa. Yesre Nyankopɔn dɛ ɔnye hɔn nhyɛ Ne banbɔ mu na wɔnkɔdo nye Khilafat na Jama'at no nya nkitahodzi na Oma hɔn pintsinn gyina. Nyankopɔn Mpegya Wahab Sahib ne gyinabew na ɔnye no mben N'adɔfo.

Huzoor kaa dɛ ɔbeyɛ funksie sɔr ama mu a onnyi hɔ no.

- Translated by: 1. Mr. Alhassan Kobina Atta-Wenchie
(Tutor in English Language, Jamiatul Mubashireen, Ghana)
2. Maulvi Alhassan Bashir Annan Sahib
(Tutor, Jamiatul Mubashireen, Ghana)
3. Rasheed Possible Essuman Sahib
(Second Year Student, Jamiatul Mubashireen, Ghana)
4. Hafiz Naseem Ahmad Nyame Sahib
(Composer, First Year Student, Jamiatul Mubashireen, Ghana)

Downloaded from: www.jamiatulmubashireen.org
Contact: www.jamiatulmubashireen.org/contact-us